

nem, Ingressus paret inter duo castella: quorum quod ad Orientem, in edito Monte exstructum, Occidentalior, quod in Rupe est; eminentius: & alios. Incolæ iisdem cum Biscainis sunt moribus eademque utuntur lingua. *Mores.* Natura sunt ingeniosi, politici, satis exculti, ad alliciendum faciles, & qui difficulter cogi possunt, honoris cupidi, suorum privilegiorum defensores acerrimi, agiles, animosi, ad tractanda omnis generis arma dexterrimi, & ad militiam proclives. Sunt & mulieres admodum robustæ, planeque viragines, corpore bene habito, forma bona: Licet laboribus assuetæ: ac idcirco minus arrogantes. Maris accolæ navigationi piscibusque, cum aliis, tum quod *Baccalos* appellant, capiundis, magno lucro, dant operam.

Legio.

Sequitur *Legio*, cui nomen ab *Legione* vii i *Germanica*, quæ hic olim (Nervæ Imperatoris principatu, ut quidam autumant) stativa habuit. Hanc Hispaniæ partem qui hodie habitant, eos plerique volunt fuisse, qui *Veretones* Plinio, Ptolemæo, Straboni, Appiano, *Vettonia* etiam mentio apud Prudentium. Metropolis, urbs illa clarissima Regioni cognominis, quæ *Legio* vii i *Germanica* Ptolemæo: *Legio Gemina*, Antonino: *Leon* hodie vulgo: quod nomen, quur ab Leonogildo Gothorum Rege malit, quam ab Legione ipsa Franciscus Tarapha derivare, non video. Moralis tradit etiam *Sublanciam* olim dictam, adscribens ejus nominis vestigia etiamnum extare in loco, qui sesquimillari distans Legione, dicitur *Sollanco*. Illud autem memoria dignissimum est, quod ab hac urbe cœperit circa annum 13 cccvi recuperatio Hispaniæ quam totam fere Maurorum & Saracenorum gens occuparat. Pelagius enim, ex regio Gothorum sanguine, Fasilæ Cantabriæ Ducis filius, ab Christianorum, qui in Montes Asturiæ confugerant, reliquiis Rex consalutatus, magna strage Maurorum edita, vix Regnum orsus, hosti Legionem eripuit: ibique sedem sui Principatus figens, novum Castellum, quasi propugnaculum adversus Barbarorum vim & incursiones exstruxit: unde *Comites* deinceps *Castella* dicti, de quibus postea; rejectis autem Gothorum Regum Insignibus Leonem sumpsit Rubrum in albo Campo ferocientem, quo hodieque Reges Legionenses utuntur. Pelagium in regno sequutus est Fasila filius; hunc autem Improlem Alphonsus Catholicus, Petri Cantabriæ Ducis filius, ex genere Ricaredi Catholici Gothorum Regis oriundus: qui uxorem duxerat Ormisendam Fasile sororem unicam & hæredem. In Alphonsi familia posterisque Legionis principatus mansit usque ad Veremundum, Regem Legionis xxiv: quo, anno c10 xx sine successore defuncto, Sanctia Soror, Ferdinando Navarreo, Castellæ Regi nupta Legionense regnum ad Castellanum transtulit. Hic tres habens filios, *Sanctium* quidem Testamento Castellæ Regem, *Alphonsum* Legionis & Asturum: *Garciam* denique Gallaciæ (quæ ab Conjugis Majoribus acquisita Comitatus ad illud usque tempus fuerat) & Portugalliæ nominavit. *Sanctium*, divisionis paternæ impatiens, fratres, *Alphonsum* quidem regno deturbavit. *Garciam* autem occidit. Quû jam *Sanctius* circiter sex annos regnasset, & ab Vellido per fraudem esset obtruncatus: *Alphonsum*, qui Toleti apud Maurorum regem exsul vixerat, non solum Legionis, quod ex Patris voluntate obtinebat, recuperavit: sed & Castellæ, Galaciæ Portugalliæque regna est consequutus. Huic successit Alphonsus vii, Hispaniæ Imperator nuncupari meritis. Sed de his satis.

Regio.

Nomina.

Vrbs Legio Gemina.

Imperium maurorum.